



DIRU-LAGUNTZEN PROGRAMEI BURUZKO EBALUAKETA 2017

LANA ETA JUSTIZIA

1. Funtzionamendurako diru-laguntzak udalentsat Bake Epaitegien funtzionamendu-gastuetarako.....	2
2. Diru-laguntzak ematea Karrera Judizialerako eta Fiskalerako eta Justizia Administrazioaren Letraduen Kidegorako oposizioak prestatzeko	3
3. Abokatuen Elkargoak. Doako laguntza juridikoa: Ofiziozko txandak eta atxilotu, ikertu edota kartzeleratutakoei eman beharreko legez-laguntza	4
4. Prokuradoreen Elkargoak. Doako laguntza juridikoa: Ofiziozko txandak	6
5. Abokatuen Elkargoa. Doako laguntza juridikoa: Funtzionamenduko gastuak	7
6. Prokuradoreen Elkargoa. Doako laguntza juridikoa. Funtzionamenduko gastuak	8
7. Etxeko indarkeriako txanda	9
8. Espetxeratuentzako lege-laguntza	10
9. Doako laguntza juridikoa, Abokatuen Elkargoak. Abokatuen prestakuntza.....	11
10. Euskal Autonomia Erkidegoan preso dauden pertsonak gizarteratzeko eta lan-munduan txertatzeko proiektuetarako diru-laguntzak	13
11. Gizarte-ekonomian ekitea.....	15
12. Enpresetarako laguntza teknikoa	16
13. Gizarte-ekonomiako prestakuntza.....	17
14. Elkarte-egiturak babestea.....	18
15. Gizarte-ekonomiako enpresetan bazkideak sartzea	19
16. Enpresen arteko lankidetzak	20



1.- Izenburua

Funtzionamendurako diru-laguntzak udalentsat Bake Epaitegien funtzionamendu-gastuetarako

2.- Araua

- 411/1998 Dekretua, abenduaren 22koa, Bake Justiziari buruzkoa.
- 2017ko urriaren 24ko Agindua, Lan eta Justizia sailburuarena, Euskal Autonomia Erkidegoko udalei bake-epaitegien 2017ko funtzionamendu-gastuetarako diru-laguntzak emateko dena (EHAA, 212 zk., 2017ko azaroaren 7koa).

3.- Diru-laguntza Programaren azalpen laburra eta helburuak

Botere Judizialaren Lege Organikoak udalerraren eremuan txertatutako organo gisa eratzen ditu Bake Epaitegiak, eta horregatik ez zaio uko egin udalen lankidetzari organo horien baliabide materialak hornitzeari dagokionean.

Horiek horrela, abenduaren 28ko 38/1988 Legean, Mugape eta Planta Judizialari buruzkoan, 50. artikuluan eta hurrengoetan jasotako aurreikuspenei jarraituz, diru-laguntza programa bat ezarri da Euskal Autonomia Erkidegoan udalek gai honetan dituzten premiei sostengu ekonomikoa emateko. Horregatik, 1990 urteaz geroztik Dekretu eta Agindu multzo bat eman da Euskal Autonomia Erkidegoko udalentsako laguntzak arautu eta haietarako deialdiak egiteko, Bake Epaitegietako funtzionamendu-gastuei aurre egiteko asmoz.

4.- Lortutako emaitzak, aurrekontu programarekin lotutako magnitudeak eta eragina gizartean

Deialdia egin da, eta helburu horretarako aurrekontuan jasotakoaren %91,66 erabili da.

Lortutako emaitzak deialdian aurreikusitako berak dira; baliagarritasuna eta gizartean izan duten eragina garrantzitsuak izan dira, Bake Epaitegia duten 236 udalei eman baitzaizkie funtzionamendu-gastuetarako diru-laguntzak.



1.- Izenburua

Diru-laguntzak ematea Karrera Judizialerako eta Fiskalerako eta Justizia Administrazioaren Letraduen Kidegorako oposizioak prestatzeko

2.- Araua

Agindua, 2016ko uztailaren 15ekoa, Herri Administrazio eta Justiziako sailburuarena, Karrera Judizialera, Fiskalera eta Justizia Administrazioaren Letraduen Kidegora iristeko prestaketa-laguntzetarako 2017ko deialdia egiteko eta laguntza horiek arautzeko dena (EHAA, 178. zk., 2016ko irailaren 19koa).

3.- Diru-laguntza Programaren azalpen laburra eta helburuak

Diru-laguntza lerroa, zuzenbideko lizentziadunak motibatzea helburu duena beren lanbide asmoak Karrera Judizial eta Fiskalera eta Idazkari Judizialen Kidegora bidera ditzaten.

4.- Lortutako emaitzak, aurrekontu programarekin lotutako magnitudeak eta eragina gizartean

eialdia egin da eta ebazpena eman da, eta helburu horretarako zeuden 30 beka eman dira; hala ere, onuradun baten ukoa dela eta, ez da ekitaldian zehar dena exekutatu, helburu horretarako aurrekontuan jasotakoaren %98,42 erabili baita.

Baliagarritasuna eta gizartean izan duten eragina handiak izan dira, bai eskatzaileen kopuruagatik, bai kidego judizial horietan sarbidea izan duten onuradunen kopuruagatik, azkenean Euskal Autonomia Erkidegokoa justizia aparatuan integratuko baitira.



1.- Izenburua

Abokatuen Elkargoak. Doako laguntza juridikoa: Ofiziozko txandak eta atxilotu, ikertu edota kartzeleratutakoei eman beharreko legez-laguntza

2.- Arauak

1/1996 Legea, urtarrilaren 10ekoa, Doako laguntza juridikoa arautzen duena (BOE, 1996-01-12).
110/2012 Dekretua, ekainaren 19koa, Doako laguntza juridikoari buruzkoa (EHAA, 2012-07-06).

3.- Diru-laguntzen programaren deskribapen laburra eta helburuak

Programaren xedea da auzitan jarduteko baliabide ekonomiko nahikorik ez dutela frogatzen dutenek zaintza judizial eraginkorra dutela bermatzea; horrez gain; 1/1996 Legeak beste norbanako eta erakunde batzuei ere onartzen die diru-laguntza jasotzeko eskubidea.

4.- Lortutako emaitzak, aurrekontu programarekin lotutako magnitudeak eta eragina gizartean

Doako Laguntza Juridikoa (DLJ) jasotzeko eskubidea aitortzen duen jarduera hori, zehazki, Araba, Bizkaia eta Gipuzkoako Abokatuen Elkargoetako Orientazio Juridikoko Zerbitzuetan (OJZ) hasten da. Ondoren, zerbitzu horiek Doako Laguntza Juridikoaren Batzordeetara bidaltzen dituzte espedienteak.

1412 Programaren Memorian ezarritakoaren arabera DLJko hiru batzordeek 65 bilera egin behar zituzten guztira. 2017ko datuetan ageri denez, 67 bilera egin ziren. Asistentziagatik ordaindutako sarien gastua 10.480 eurokoa izan da (aurrekontua 12.000 eurokoa zen).

Elkargo horiek hiru hilerik behin emandako datuen arabera, 2017an (hain zuzen ere 2016ko 4. hiruhilekoan eta 2017ko lehen 3 hiruhilekoetan) ofiziozko txandan 25.786 jarduketa egiaztatu eta ordaindu ziren: 5.339 Araban, 12.850 Bizkaian eta 7.597 Gipuzkoan. Halaber, 1412 Programaren Memoriako kalkuluen arabera DLJko 4.800 bat espediente bideratuko ziren Araban, 6.800 bat espediente izango ziren Gipuzkoan, eta Bizkaian 12.400 bat izango ziren. Kalkuluen arabera guztira DLJko 24.000 espediente inguru bideratuko ziren, eta 2017ko likidazioen osteko datuen arabera 25.786 bideratu dira, hau da, espero zena baino % 7 gehiago.

Datu hauei zaintza-txandako jarduketarako gehitu behar zaizkie. Abokatuen elkargoen arabera, uztira 21.748 jarduketa egiaztatu dituzte (3.326 Araban, 10.112 Bizkaian eta 8.310 Gipuzkoan).

1412 Programaren Memorian esaten zen ebazpenen % 66k aitortuko zutela eskubidea, eta datuek diote ebazpenen % 83k (24.760) eman zutela eskubidea aitortzearen aldeko irizpena. 4.730 ebazpen kontrakoak izan ziren eta 455 kasutan eskaera artxibatu zen.

1412 programaren memoriak % 66an ezarri zuen eskubide hori aitortzen duten ebazpenen



kopurua; datuen arabera, hala ere, zenbateko hori % 82ra iristen da, hau da, 23.745 kasutan eman zen eskubidea aitortzearen aldeko ebazpena (genero-indarkeriaren eta etxeke indarkeriaren ondoriozko ebazpen positiboak edo aldekoak barne), guztira 29.000 espediente baino gehixeagoren artean.

Programak gizartean duen eragina osoa eta erabatekoa da. Izan ere, beren prozedura judizialerako legez ezarritako doako laguntza juridikoaren eskubidea baliatu duten pertsona guztiei doako defentsa eman diete abokatuek.



1.- Izenburua

Prokuradoreen Elkargoak. Doako laguntza juridikoa: Ofiziozko txandak

2.- Arauak

1/1996 Legea, urtarrilaren 10ekoa, doako laguntza juridikoa arautzen duena (BOE, 1996-01-12).
110/2012 Dekretua, ekainaren 19koa, Doako laguntza juridikoari buruzkoa (EHAA, 2012-07-06).

3.- Diru-laguntzen programaren deskribapen laburra eta helburuak

Programaren xedea da auzitan jarduteko baliabide ekonomiko nahikorik ez dutela frogatzen dutenek zaintza judizial eraginkorra dutela bermatzea; horrez gain; 1/1996 Legeak beste norbanako eta erakunde batzuei ere onartzen die diru-laguntza jasotzeko eskubidea.

4.- Lortutako emaitzak, aurrekontu programarekin lotutako magnitudeak eta eragina gizartean

Doako Laguntza Juridikoaren Legea ezartzea erraztu da, eta arloan indarrean dagoen araudia zer neurritan betetzen den aztertu da. Izan ere, ofiziozko txandan aitortutako doako justiziaren esparruan egindako jarduketa guztiak ordaindu zaizkie EAeko prokuradoreen elkargoek. Elkargo horiek emandako hiru hilez behingo datuen arabera 2017an 16.142 prozedura bideratu dira (Araban 3.552, Bizkaian 8.152 eta Gipuzkoan 4.438).

Programak erabateko gizarte-eragina izan du, prokuradoreen doako ordezkariak eman baitaie beren prozedura judizialerako doako laguntza juridikoaren eskubidea aitortu zaien herritarrei.



1.- Izenburua

Abokatuen Elkargoa. Doako laguntza juridikoa: Funtzionamenduko gastuak

2.- Arauak

1/1996 Legea, urtarrilaren 10ekoa, Doako laguntza juridikoa arautzen duena (BOE, 1996-01-12).

110/2012 Dekretua, ekainaren 19koa, Doako laguntza juridikoari buruzkoa (EHAA, 2012-07-06).

3.- Diru-laguntzen programaren deskribapen laburra eta helburuak

1/1996 Legeak ezarri bezala, elkargo profesionalen ardura izango da doako letradu-laguntza, defentsa eta ordezkariak zerbitzuak arautu eta antolatzea. Araudi horren arabera, eskumena duten Administrazio Publikoari dagokie OJZ Orientazio Juridikoko Zerbitzuen funtzionamenduari euste aldera abokatuen elkargoei izaten dituzten gastuak ordaintzea; beti ere herritarrei doako laguntza juridikoaren eskubidea bermatzeko asmoz.

4.- Lortutako emaitzak, aurrekontu programarekin lotutako magnitudeak eta eragina gizartean

Doako Laguntza Juridikoaren Legea ezarriz (38. artikulua), eta OJZ Orientazio Juridikoko Zerbitzuen funtzionamendu operatiboak abokatuen elkargoei eragiten dizkien gastuak –aseguru-gastuak barne– aztertu ondoren, 2017ko aurrekontuetan ezarritako zenbatekoak ordaindu zaizkie.

Diru-laguntza eman beharra ezartzen duten arauetan aurreikusitako emaitzak lortu dira; horrek laguntzen gizarte-onura eta gizarte-eragina bermatu ditu. Abokatuen elkargoei ematen zaien kontraprestazioa da, xedetzat duena doako laguntza juridikoa emateko zerbitzuen funtzionamendu operatiboak, herritartasuna eskuratu aurreko aholkularitaz eta orientazioaz arduratzen diren unitateek eta aurkezten diren eskaeren behin-behineko kalifikaziorako lanek eragiten dizkien kostua ordaintzea.



1.- Izenburua

Prokuradoreen Elkargoa. Doako laguntza juridikoa. Funtzionamenduko gastuak

2.- Arauak

1/1996 Legea, urtarrilaren 10ekoa, Doako laguntza juridikoa arautzen duena (BOE, 1996-01-12).
110/2012 Dekretua, ekainaren 19koa, Doako laguntza juridikoari buruzkoa (EHAA, 2012-07-06).

3.- Diru-laguntzen programaren deskribapen laburra eta helburuak

Programaren xedea da auzitan jarduteko baliabide ekonomiko nahikorik ez dutela frogatzen dutenek zaintza judizial eraginkorra dutela bermatzea. Kasu honetan diru-laguntzetarako partidaren berariazko xedea da prokuradoreen elkargoen ofiziozko txandaren funtzionamendu operatiboak eragiten dituen gastuak ordaintzea.

4.- Lortutako emaitzak, aurrekontu programarekin lotutako magnitudeak eta eragina gizartean

Doako Laguntza Juridikoaren Legea ezartzea erraztu da; lege horren helburua da herritar behartsuenei gainerako herritarrei bezala zaintza judizial eraginkorra bermatzea eragozten duten oztopoak ezabatzea. Lortutako emaitza horiekin, arauak elkargoak diruz laguntzera behartzen dute, eta, horrela, haien gizarte-onura eta -eragina bermatzen da. Izan ere, ofiziozko txandaren funtzionamendua bermatzeagatik ematen zaie ordain hori prokuradoreen elkargoari.



1.- Izenburua

Etxeko indarkeriako txanda

2.- Arauak

Abokatuzaren Euskal Kontseiluak eta Justizia, Enplegu eta Gizarte Segurantza Sailak 2007ko otsailaren 26an sinatutako Lankidetzaren Hitzarmena.

3.- Diru-laguntzen programaren deskribapen laburra eta helburuak

Aipatutako hitzarmen horren lehen estipulazioak xedatzen duen moduan, programaren helburua hau da: laguntza juridiko espezializatua bermatzea etxeko indarkeriaren, genero-indarkeriaren edo sexu-askatasunaren aurkako delitu baten biktima guztiei.

4.- Lortutako emaitzak, aurrekontu programarekin lotutako magnitudeak eta eragina gizartean

Etxeko indarkeriako, genero-indarkeriako edota sexu-erasoetako txandaren jarduketari dagokienez, 1412 Programaren Memorian jasotako kalkuluen arabera urtean 4.200 bat kasutan jardun beharko zen (telefono-deiak, kontsultak...) Abokatuzaren Euskal Kontseiluarekin sinatutako hitzarmenaren esparruan. Elkargoek emandako sei hilean behingo memoriako datuen arabera 2017an etxeko indarkeriaren edota sexu-erasoen biktimek laguntza juridikoa emateko eta ofiziozko txandaren zerbitzuak 4.145 kasutan jardun du; beraz, kasuen kopurua aurreikusitakoaren % 98 izan da (Arabian 746, Bizkaian 2.022 eta Gipuzkoan 1.377).

Guztira, doako laguntza juridikoa emateko 2.948 espediente egin dira (Arabian 533, Bizkaian 1.480 eta Gipuzkoan 971). Zerbitzuan 8 abokatu titular aritzen dira, eta 7 gehiago premia gertatzen denean.

Emakumeen aurkako indarkeriaren, etxeko indarkeriaren edo sexu-erasoen biktimek eguneko 24 orduetan doako laguntza juridikoko zerbitzu bat edukitzeak berebiziko garrantzia du gizartearentzat, betebeharrak legal eta hitzarmenezkoa bilakatu da eta geroz eta agerikoagoak dira gizartearentzat sortzen duen onura eta hartan daukan eragina. Abokatuen elkargoetako abokatuak ematen dute zerbitzu hori.



1.- Izenburua

Espetxeratuentzako lege-laguntza

2.- Araua

Gobernu Kontseiluaren 2017ko martxoaren 17ko erabakia.

3.- Diru-laguntzen programaren deskribapen laburra eta helburuak

Euskal Autonomia Erkidegoko espetxeetan preso dauden pertsonen doako lege-laguntza bermatzeko programa da, eta pertsona horiek beren zigorraren eraginpean ez dauden eskubideak erabili ahal izatea da haren helburua.

4.- Lortutako emaitzak, aurrekontu programarekin lotutako magnitudeak eta eragina gizartean

1412 Programaren Memorian jasotako kalkuluaren arabera 5.000 alditan emango zitzaizkien laguntza juridikoa EAeko hiru espetxeetan giltzaperatuta dauden pertsonen. 2017ko ekitaldia itxi ondoko datuen arabera, aldiz, aurreikuspena ez da bete, 4.397 alditan jardun behar izan baita (aurreikusitako kopuruaren % 88); horren arrazoi nagusia izan daiteke azken urteetan behera egin duela espetxeratuen kopuruak Euskadin. Lurraldeka xehatuta, espetxeratuen lege-laguntzaren txandako jarduketetatik 2.076 Araban egin dira, 1.224 Bizkaian eta 1.097 Gipuzkoan. 81 abokatuk jardun dute astelehenetik ostiralera hiru espetxetan: Langraiz (57), Basauri (14) eta Martutene (10).

Programa honen emaitzek helburuak bete dituzte: lege-aholkularitza zerbitzuak eskatzen dituzten espetxeratuei (zigorra betetzen ari direnak zein behin-behinekoak) horien erabilera erraztea. Ahozko zein idatzizko kontsultak askotarikoak dira, guztiak ere espetxeratzearen ingurukoak (baimenen ukatzea, behin-behineko askatasuna, graduaren berraztertzea, zigorraren likidazioa, kexa-errekurtsoak, gradua berraztertze errekurtsoak, erreforma-errekurtsoak, apelazio-errekurtsoak) eta espetxez kanpokoak (epaitegiekiko harremanak, abokatu-laguntza eskaerak, kaporatze-aginduei buruzkoak...).

Gizartean eragina nabaria du, berari esker oinarrizko legezko eskubideak baliatu ahal baitituzte bestela baliatu ezin izango lituzketen pertsonen. Laguntza honek EAeko espetxeetan preso dauden pertsonen egoera hobetzen du, azken helburua haiek berriro gizarteratzea dela.



1.- Izenburua

Doako laguntza juridikoa, Abokatuen Elkargoak. Abokatuen prestakuntza

2.- Arauak

1/1996 Legea, urtarrilaren 10ekoa, Doako laguntza juridikoa arautzen duena (BOE, 1996-01-12).
110/2012 Dekretua, ekainaren 19koa, Doako laguntza juridikoari buruzkoa (EHAA, 2012-07-06).

3.- Diru-laguntzen programaren deskribapen laburra eta helburuak

Programaren xedea da doako laguntza juridikoko zerbitzuak emateko behar diren prestakuntza eta espezializazioa bermatzea, defentsarako eskubide konstituzionala bermatuko duen kalitatea eta gaitasuna ziurtatzeko, 1/1996 Legearen 25. artikuluan eta 110/2012 Dekretuaren 29. artikuluan jasotakori jarraituz. Etengabeko prestakuntza eta espezializazioa bereziki garrantzitsuak dira txandak erabiltzeko, genero-indarkeriaren biktima diren emakumeei, adingabeei eta atzerritarrei epaiketetan laguntzeko eta haiek defendatzeko nahiz espetxeratuei lege-laguntza emateko arloetan, hain zuzen ere esparru espezifikoak direlako.

4.- Lortutako emaitzak, aurrekontu-programaren magnitudeekiko konparazioa, eta gizarte-onura eta gizarte-eragina

Abokatzaren Euskal Kontseiluak aurkeztutako 2017ko Urteko Prestakuntza Planaren arabera abokatuen hiru elkargoak 36 prestakuntza-jarduera egitekoak ziren (hitzaldiak, ikastaroak, jardunaldiak), eta jarduera horien kostua, guztira, 91.000 eurokoa izango zen. 1412 Programaren Memorian, 3 diru-laguntza eta 20 prestakuntza-jarduera jaso ziren, eta prestakuntza-planaren % 80 gauzatutak jo zen.

Hiru justifikazio-memoriak azterturik, ondorio hauek atera dira: emandako diru-laguntzei dagokionez, betetze maila % 100 da (hiru laguntza, abokatuen elkargo bakoitzak bat); guztira 31 prestakuntza-jarduera egin dira (helburutzat jo ziren 20 jarduerak baino %55 gehiago); prestakuntza-planari dagokionez, 36 jardueretatik % 80 gauzatzea espero zen, eta %86 gauzatu da (31 prestakuntza-jarduera); gauzatze ekonomikoari dagokionez, elkargoek baliabide propioak erabili dituzte (12.896,86 €), eta kopuru horri gehitu behar zaizkio abokatuen hiru elkargoei guztira emandako 40.000 € (beraz, gauzatutako azken kostua 52.896,86 € da, hau da, diruz lagundutako kostua baino %32 gehiago, baina, aldi berean, elkargoek aurreikusitako kostuaren %58 baino ez da. Horrek esan nahi du Sailak aurkeztutako prestakuntza-jardueren kostuaren hiru laurden ordaindu dituela gutxi gorabehera.

Laburbilduz, aurrekontu-programaren magnitudeei erreparatuta, lortu diren emaitzek aise gainditu dituzte aurreikuspenak: dozenaka hitzaldi, jardunaldi eta ikastaro eman dira, oinarrizkoak zein espezifikoak, nahitaezkoak zein hautazkoak, eta horri esker etengabeko prestakuntza jaso dute



doako laguntza juridikoaren esparruan ofiziozko txandetan eta txanda espezializatuetan (genero-indarkeria, adingabeak, atzerritarrak) diharduten ehunka abokatuk.

Agerikoa da etengabeko prestakuntza honek onura ekartzen diola gizarteari eta eragina daukala bertan; gainera, ezinbestekoa da, indarreko arategian ezarrita dago eta (urtarrilaren 10eko 1/1996 Legearen 25. artikulua)



1.- Izenburua

Euskal Autonomia Erkidegoan preso dauden pertsonak gizarteratzeko eta lan-munduan txertatzeko proiektuetarako diru-laguntzak

2.- Arauak

AGINDUA, 2017ko maiatzaren 30ekoa, Lan eta Justiziako sailburuarena, Euskal Autonomia Erkidegoan preso dauden pertsonak gizarteratzeko eta lan-munduan txertatzeko proiektuetarako diru-laguntzen deialdia egiten duena.

3.- Diru-laguntzen programaren deskribapen laburra eta helburuak

Zigor askatasun-gabetzailea eteteko neurria jaso duten zigortuak gizarteratzeko eta lan-munduan txertatzeko proiektuek kasu hauetan jaso ahal izango dituzte diru-laguntzak: xedetzat prestakuntzarako programak, lanbide-programak, kultur programak, bide-hezkuntzako programak, sexu-hezkuntzako programak, ingurumena defendatzeko programak, animaliak babesteko programak, tratu berdintasunerako eta diskriminazioaren aurkako programak edo antzeko beste batzuk badituzte, edo alkoholaren, droga toxikoen edo substantzia estupefazianteen mendekotasuna gainditzeko programak. Baldintza hauek bete behar badituzte:

- a) Espetxeetan hasten diren proiektuak espetxeko zuzendaritzak onartu beharko ditu.
- b) Laguntza integraleko metodologia erabiliko dute.
- c) Espetxetik kanpoko baliabideekin burutuko dira; hona modalitateak:
 - o Programatutako irteerak eta auzolandegiak.
 - o Egoitza- eta ostatu-baliabideak.
 - o Mendekotasuna gainditzeko baliabideak droga mendekotasuna duten pertsonentzat.
 - o Prestakuntza eta trebakuntza zentroak.
 - o Lanerako orientazio- eta laguntza-zentroak.
- d) Proiektuak 2017. urtean zehar gauzatuko dira.

4.- Lortutako emaitzak, aurrekontu programarekin lotutako magnitudeak eta eragina gizartean

Presoak gizarteratzeko 41 proiektu izan dira, guztira, honako eremuetan:

- Programatutako irteerak eta auzolandegiak. 6 proiektu.
- Egoitza- eta ostatu-baliabideak. 6 proiektu.
- Mendekotasuna gainditzeko baliabideak droga mendekotasuna duten pertsonentzat. 6 proiektu.
- Prestakuntza eta trebakuntza zentroak. 15 proiektu.
- Lanerako orientazio- eta laguntza-zentroak. 8 proiektu.



Aurreikuspena zen programa honetan 45 proiektu egingo zirela; beraz, 41 proiektu aurkeztu direnez, betetze maila oso altua da. Proiektuen kopurua maila bertsuan dabil aspaldiko urteetan.

Diru-laguntza deialdi honek eragin izugarria dauka gizartean eta onura handia ekartzen dio. Espetxeen gaineko eskumena transferituta ez eduki arren, Eusko Jaurlaritza 20 urte daramatza laguntzen espetxean dauden pertsonekin lan egiten duten GKEei sustapen-tresna honen bitartez; helburua da preso dauden pertsonak ondo gizarteratzea baimenak eta hirugarren graduak jasotzen hasten direnean, eta horretarako hainbat baliabide jartzen dira haien esku espetxetik irten ondoren berehala gizarteratzen has daitezen.



1.- Izenburua

Gizarte-ekonomian ekitea

2.- Araua

AGINDUA, 2017ko uztailaren 4koa, Lan eta Justiziako sailburuarena, gizarte-ekonomian ekiteko eta gizarte-ekonomiako enpresen lurralde-sustapen planifikaturako laguntzak arautzen dituena eta laguntzetarako deialdia egiten duena (2017ko abuztuaren 22ko EHAA, 159. zk.).

3.- Diru-laguntza Programaren azalpen laburra eta helburuak

Diru-laguntza programaren xedea Lan eta Justiziako Sailaren Gizarte Ekonomiako Zuzendaritzaren bitartez 2017ko ekitaldian honako helburu hauekin eman zituen laguntzak arautzea izan zen:

- a) Gizarte-ekonomiako enpresak eratzea, dauden enpresak gizarte-ekonomiako enpresa bihurtzeko kasuak barne.
- b) Gizarte-ekonomiako enpresa bat eratzearekin zuzenean lotutako sustapen-ekintzak egitea, ondorengo jarraipena eta enpresa-kudeaketarako doako aholkularitza barne.
- c) Krisiaren ondorio nabarmenak agertzen dituzten sozietate anonimo edo mugatuaren ekonomia-eta finantza-bideragarritasunaren azterketa egitea.
- d) Gizarte-ekonomiako enpresen lurralde-sustapen planifikaturako beharrezkoak diren jarduerak egitea.

4.- Lortutako emaitzak eta eragina gizartean

Lortutako emaitzak:

- Guztira 157 eskaera aurkeztu dira programa horretan sartzeko, eta eskaera horietatik 151 onartu dira.
- Enpresa berrien sorkuntzaren barruan, 143 enpresa-proiektu egiteko laguntzak eman dira; horri lotuta, 429 enplegu berri sortu dira eta, enplegu horietatik, 126 emakumeek bete dituzte. 2 eskaera ukatu egin dira, Aginduan araututa dauden hainbat arrazoiren ondorioz.
- Gizarte-ekonomiako enpresak sortzeko 5 entitate sustatzailek garatutako sustapen-jarduerak finantzatu dira.
- Lurralde Sustapen Planifikatuari dagokionez, sustapeneko 3 nodo-entitatearen lanari lagundu zaio eskualdeko eremuan.
- 6 bideragarritasun-azterlan egiteko diru-laguntzak eman dira, egoera larrian dauden merkataritza-sozietateak gizarte-ekonomiako enpresa bihurtzeko.

Nabaria da diru-laguntza programa hau oso lagungarria dela gizarte-ekonomiako enpresak sortzeko, bai kooperatiba gisa, bai lan-sozietate gisa. Horren erakusgarri, sozietate berrien sorkuntzari lotutako parametroak egonkorrak izan dira azken urteetan, eta enpresa-jarduera berriak eta lanpostu berriak sortu dira. Diru-laguntzen Agindu honen barruko gainerako laguntza-ildoak, enpresa berriak eratzeakoak baino garrantzi txikiagoa izanik ere, eraginkortasunari eta efizientziari eutsi diote.



1.- Izenburua

Enpresetarako laguntza teknikoa

2.- Araua

AGINDUA, 2017ko uztailaren 27koa, Lan eta Justiziako sailburuarena, Euskal Autonomia Erkidegoko gizarte-ekonomiako enpresetan laguntza teknikoa emateko diru-laguntzak arautzen dituen eta laguntzetarako deialdia egiten duena (2017ko abuztuaren 22ko EHAA, 159. zk.).

3.- Diru-laguntza Programaren azalpen laburra eta helburuak

Diru-laguntza programa horren bidez, gizarte-ekonomiako enpresetan kudeaketa-tresnen ezarpena sustatu nahi da, enpresak haien administrazioa, zuzendaritza eta, azken finean, lehiatzeko ahalmena hobetuko duten tresnez hornitzeko.

Bestalde, gizarte-ekonomiatik eta gizarte-ekonomiarako bultzatutako elkarrekiko bermeko sozietateen bitartez gizarte-ekonomiako erakundeen enpresa-finantzaketa errazteko laguntza-ildo bat jasotzen da. Horretarako, diruz laguntzeko moduko jarduera mota hauek hartzen dira kontuan:

- a) Urteko Kudeaketa Plana landu eta ezartzea eta diagnostiko ekonomiko-finantzario bat egitea.
- b) Gizarte Ekonomiako erakunde adierazgarriek bermeak emateko beharrezkoa den alde zurreko ekonomia- eta finantza-azterlana egitea.
- c) Kostua kalkulatzeko eta kontrolatzeko metodoak egin eta ezartzea, edo aginte-taula oso bat ezartzea, Euskadin ordezkariak duten erakundeen aldetik euren elkartuei eman beharreko zerbitzuen antolakuntzatik eratorriak, legeak eta/edo estatutuak betetzeko.
- d) 2017ko ekitaldian gizarte-ekonomiako enpresak sortzeko laguntzen programan onuradun diren 10 langiletik beherako kooperatiben eta lan-sozietateen merkataritza-kudeaketarako berriazko aholkularitza.
- e) Zailtasunak dituzten enpresak suspertzeko plantzat hartzen diren ekintzak egitea. Gomendio zehatzak jasoko ditu enpresaren lehiakortasuna hobetzeko eta, hala badagokio, finantzaketa lortzeko.

4.- Lortutako emaitzak eta eragina gizartean

Diru-laguntzak jasotzeko 55 eskaera aurkeztu dira, eta, zenbait arrazoi direla-eta, 8 ezetsi egin dira. Guztira, 56 kudeaketa-tresnak jaso dute diru-laguntza.

Eduki aldetik, honela banatu dira laguntzak:

- Merkataritza-kudeaketako aholkularitza: 11.
- Aginte-taula integrala: 8.
- Berregituratze-proiektuak: 14.
- Urteko kudeaketa-planak: 23.



1.- Izenburua

Gizarte-ekonomiako prestakuntza

2.- Araua

AGINDUA, 2017ko uztailaren 27koa, Lan eta Justiziako sailburuarena, gizarte-ekonomiaren arloko prestakuntzarako laguntzak arautzen dituena eta laguntzetarako deialdia egiten duena. (2017ko abuztuaren 16ko EHAA, 155. zk.).

3.- Diru-laguntza Programaren azalpen laburra eta helburuak

Programan horren bidez, honako jarduera hauek egiten lagundu nahi da:

*** Prestakuntza-arloan:**

- Gizarte-ekonomiaren arloko prestakuntza espezifiko eta bereizira bideratutako ekintzak, unibertsitate- eta/edo sozietate-eremuan kooperatibismoari edo lan-sozietateei buruzko ezagutzari hasiera emateko, edo, oro har, ezagutza horretan gaitzeko edo perfektionatzeko helburua dutenak.
- Gizarte-ekonomiako enpresa bat diseinatzeko eta abian jartzeko ekintzak, unibertsitate-prestakuntzaren parte gisa.

*** Gizarte-ekonomiaren hedapen-arloan:**

- Kooperatibei eta lan-sozietateei buruzko aldizkako argitalpenak editatzea.
- Aldian behingo jardunaldiak egitea.
- Arlo publiko instituzionalean enpresen gizarte erantzukizuna sustatzeko jarduerak.

4.- Lortutako emaitzak, aurrekontu programarekin lotutako magnitudeak eta eragina gizartean

16 diru-laguntza eman zaizkie hainbat erakunde eskatzaileri. Diru-laguntza jaso duten proiektuek honako kopuru hauek izan dituzte aurkeztutako jarduerak eta jardunak egitean:

- Gizarte-ekonomiako prestakuntza espezifiko eta bereizia emateko ekintzak: prestakuntza hori 1.000 pertsona baino gehiagok jaso dute.
- Kooperatibei eta lan-sozietateei buruzko aldian behingo argitalpenak editatzea: 7 argitalpenek jaso dute diru-laguntza.
- Aldian behingo jardunaldiak egitea: 30 jardunaldik jaso dute diru-laguntza.



1.- Izenburua

Elkarte-egiturak babestea

2.- Araua

AGINDUA, 2017ko uztailaren 27koa, Lan eta Justiziako sailburuarena, Euskal Autonomia Erkidegoko gizarte-ekonomiako enpresen eta entitateen elkarte-egiturak finkatzeko laguntzak arautzen dituen eta laguntzetarako deialdia egiten dueña. (2017ko abuztuaren 22ko EHAA, 159. zk.).

3.- Diru-laguntza Programaren azalpen laburra eta helburuak

Laguntza-ildo honen helburua honako hau da: nortasun juridiko propioa duten eta interes komunak ordezkatu eta babesteko honako hauek elkartzen dituzten Euskal Autonomia Erkidegoko gizarte-ekonomiako erakundeen elkarte-egiturak finkatzea:

- a) Lan-sozietateak eta lan elkartuko kooperatibak.
- b) Lan elkartukoez bestelako kooperatibak eta elkarte konfederalak.
- c) Ekonomia solidarioko elkarteak eta enplegu-zentro berezien elkarteak.
- d) Langile autonomoen sektore arteko erakundeak, gutxienez bi urteko antzintasuna dutenak.

Programa honen kontura emandako laguntzak erakunde onuradunen egitura-gastuak finantzatzeko erabiliko dira (langile-gastuak eta funtzionamendu arrunteko gastuak, funtsean).

4.- Lortutako emaitzak, aurrekontu programarekin lotutako magnitudeak eta eragina gizartean

Gizarte-ekonomiari lotutako Euskadiko 11 elkarte-egitura mantentzen lagundu ahal izan da. Zehazki, honako hauek izan dira:

- Lan elkartuko kooperatiben federazio 1.
- Lan-sozietateen talde 1.
- Kooperatiben konfederazio 1.
- Lan elkartukoez bestelako kooperatiben 3 federazio.
- Ekonomia solidarioko elkarte 1.
- Enplegu-zentro berezien 2 elkarte.
- Langile autonomoei lotutako 2 elkarte.



1.- Izenburua

Gizarte-ekonomiako enpresetan bazkideak sartzea

2.- Araua

AGINDUA, 2017ko uztailaren 4koa, Lan eta Justiziako sailburuarena, gizarte-ekonomiako enpresetara bazkideak sartzeko laguntzak arautzen dituen eta haietarako deialdia egiten duena. (2017ko abuztuaren 22ko EHAA, 159. zk.).

3.- Diru-laguntza Programaren azalpen laburra eta helburuak

Diru-laguntza ildoaren xedea honako hau da: bazkide langileak edo lan-bazkideak gizarte-ekonomiako enpresetan sartzen laguntzea, epe jakin batean (2016ko uztailaren 1etik 2017ko abuztuaren 22ra bitarte). Lau motako hartzaileak daude:

- a) Kooperatiba edo lan-sozietate batean sartzen diren langabeak, betiere eratu direnetik 5 urte baino gehiago igaro ez badira eta bazkide langileak 100 baino gehiago ez badira. Halaber, dagokion Enplegu Zerbitzu Publikoan gutxienez hiru hilabeteko antzinatasunaz inskribatuta egon behar dute.
- b) Bazkideak ez diren langileak, besteren konturako lan-kontratu aktiboarekin.
- c) Desgaituak.
- d) Nekazaritza-, abeltzaintza- eta baso-ustiategien eta ustiategi mistoen titularrak, betiere nekazaritza- kooperatibetan bazkide gisa sartu badira.

4.- Lortutako emaitzak eta eragina gizartean

Kapitalerako ekarpenen diru-laguntza partzialaren bidez, gizarte-ekonomiako enpresetan 251 bazkide sartzea bultzatu da, honako banaketa honekin:

- 11 langabe sartu dira.
- Besteren konturako 139 langilek diru-laguntza jaso dute gizarte-ekonomiako enpresa bateko bazkide langile edo lan-bazkide bihurtu direnean.
- Desgaitasunen bat zuten 79 pertsonak laguntza publikoa jaso dute gizarte-ekonomiako enpresetan bazkide langile gisa sartu direlako.
- Nekazaritza-kooperatibetan sartu diren eta diru-laguntza jaso duten bazkideak 22 izan dira.



1.- Izenburua

Enpresen arteko lankidetzak

2.- Araua

AGINDUA, 2017ko uztailearen 27koa, Lan eta Justiziako sailburuarena, gizarte-ekonomiako enpresen arteko lankidetzarako laguntzak arautzen dituena eta laguntzetarako deialdia egiten duena. (2017ko abuztuaren 22ko EHAA, 159. zk.).

3.- Diru-laguntza Programaren azalpen laburra eta helburuak

Diru-laguntza ildoaren xedea honako jardura hauetakoren bat egiteko laguntza ematea da:

- a) Lankidetzak-proiektu bat lantzeak eta ezartzeak eragindako gastuak, ordezkariak duten gizarte-ekonomiako elkarteek elkartekide dituzten enpresentzat egindakoak
- b) Akordioak landu eta formalizatzeko eta enpresa-lankidetzako enpresak edo egiturak sortzeko beharrezkoak diren gastuak, gizarte-ekonomiako enpresen bat-egiterako beharrezkoak direnak barne. Halaber, azterketa- eta diseinu-fasean programa honen kargura lagundu ziren eta dagoeneko ezarrita dauden lankidetzak-akordioak eta -egiturak finkatzeko gastuak.

4.- Lortutako emaitzak eta eragina gizartean

8 eskaera aurkeztu dira, eta horietatik 2 ez dira onartu. Honako hauek dira diruz lagundu diren jarduerak:

- Enpresen arteko lankidetzarako proiektuak eta haien ezarpena: 3
- Gizarte-ekonomiako enpresen bat-egiteak: 1
- Enpresen arteko lankidetzarako bideragarritasun-azterlanak: 2